

RESOLUCIÓN DA DIRECCIÓN TERRITORIAL DA CONSELLERÍA DO MAR NA CORUÑA QUE MODIFICA A DO 21.05.2025 QUE AUTORIZA A EXTRACCIÓN DE PERCEBE EN BANCOS DO ÁMBITO DO PLAN DE XESTIÓN DA CONFRARÍA DE PESCADORES DE MUXÍA DURANTE O MES DE XUÑO

ANTECEDENTES

1. O 21.05.2025 este departamento territorial autoriza á confraría de pescadores de Muxía a extracción de percebe en bancos do ámbito do plan de xestión durante o mes de xuño de 2025.
2. O 27.05.2025 solicitan pechar (tanto a pé como a flote) determinadas subzonas do banco CM-027 (na zona da Buitra) durante xuño de 2025, no marco do correspondente plan aprobado pola Orde do 19 de decembro de 2024 pola que se aproban os plans de xestión de recursos específicos e algas en Galicia para o trienio 2025-2027.

CONSIDERACIÓNS LEGAIS E TÉCNICAS

1. Tense en conta a seguinte normativa:
 - O Decreto 15/2011, do 28 de xaneiro polo que se regulan as artes, aparellos, útiles, equipamentos e técnicas permitidos para a extracción profesional dos recursos mariños vivos en augas de competencia da Comunidade Autónoma de Galicia.
 - O Decreto 153/2019, do 21 de novembro, polo que se regula o réxime de conservación e explotación dos recursos marisqueiros e das algas.
 - A Orde do 19 de decembro de 2024, pola cal se aproban os plans de xestión de recursos específicos e de algas en Galicia para o trienio 2025-2027.
2. Recíbense os seguintes informes:
 - Informe da bióloga de zona do 14.05.2025 e do 29.05.2025.
 - Informe favorable do INTECMAR (Instituto tecnolóxico para o control do medio mariño) do 20.05.2025.

Este departamento territorial é o órgano competente para resolver segundo o artigo 20.1 do Decreto 153/2019 do 21 de novembro.

Tendo en conta todo o anterior **RESOLVO:**





Modificar a resolución de apertura que autoriza a extracción de percebe nos bancos do ámbito do plan de xestión da confraría de pescadores de Muxía segundo se recolle a continuación.

Zonas de explotación:

O cadro que pon:

ZONA E BANCOS
- BITRA. Inclúe: - de punta Matemao a praia Arnela (CM-027) - de praia Arnela ata praia de Lourido (CM-028) - A BARCA: banco CM-029. Abertos unicamente dous tramos dentro deste banco, delimitados polas seguintes coordenadas (Datum WGS84): - tramo 1 (A Barca): de 29 T 482446.79 E – 4772843.67 N a 29 T 482055.56 E – 4773103.80 N. - tramo 2 (Langosteira): de 481995.30 E – 4771849.08 N a 481937.67 E – 4771599.37 N. Inclúe a pedra cercada Langosteira de fóra. Os outros bancos delimitados na Barca (CM-030 e CM-031) permanecerán pechados.

Modifícase polo seguinte cadro:

ZONA E BANCOS
- BITRA. Inclúe: - de punta Matemao a praia Arnela (CM-027). <i>Dentro deste banco permanecerán PECHADAS as seguintes pedras e un determinado tramo de costa: Percebosa de fóra, Percebosa de terra, Petón de Sena e a subzona dos Bloques (incluída a Tembladeira). As coordenadas xeográficas límite desta subzona son: WGS84 29T 479051.00 E - 4770803.00 N e 29T 479132.00 E - 4770676.00 N.</i> - de praia Arnela ata praia de Lourido (CM-028) - A BARCA: banco CM-029. Abertos unicamente dous tramos dentro deste banco, delimitados polas seguintes coordenadas (Datum WGS84): - tramo 1 (A Barca): de 29 T 482446.79 E – 4772843.67 N a 29 T 482055.56 E – 4773103.80 N. - tramo 2 (Langosteira): de 481995.30 E – 4771849.08 N a 481937.67 E – 4771599.37 N. Inclúe a pedra cercada Langosteira de fóra. Os outros bancos delimitados na Barca (CM-030 e CM-031) permanecerán pechados.





O resto dos puntos da resolución de apertura do día 21.05.2025 permanecen sen variacións e son de obrigado cumprimento.

Contra esta resolución que non pon fin á vía administrativa, poderá interpoñerse recurso de alzada ante o conselleiro do Mar no prazo dun mes contado dende o día seguinte á notificación ou publicación desta resolución, segundo dispón a Lei 39/2015, do 1 de outubro, nos seus artigos 30, 121 e 122 (sección 2ª do capítulo II).

Mediante este documento notifícaselle á confraría de pescadores de Muxía esta resolución, segundo o esixido no artigo 40 da Lei 39/2015, do 1 de outubro.

A directora territorial

P.A. (Resolución do 13 de maio de 2024)

A xefa do Servizo de Pesca, Acuicultura e Innovación Tecnolóxica

Mª Paz Sánchez Díaz

